

# Je'ej ti tyo'yú'xaca' a'íjna i San Pablo a'íijma jimi i maj Colosas jo'cháatima'caa

---

## Pablo pu hua'tyojtye'

**1** <sup>1</sup>Nyáaj Pablo, nyáaj nu tyí'huüre' i Círíistu' jimi, ji'nye a'yaa pu tya'ránajchaca' i Dios, nyajamuan a'íjna i nye'ihuáara' Timoteo, <sup>2</sup>a'yaa tu já'muatyojtye' mua'ajmaj mu siaj Colosas ja'chej, siajta tyámua' tyúu'ihuaamua' i Círíistu' jimi. Che' i Dios i tyaj jajvástara' tyámua' tyajamuáacha'iin, ajta tyámua' jamuáa'uurej mu ja'muaxiéjnyu'caa tzajta'.

## Pablo pu tyé'tyojtzi're' i Dios ajta huá'huaviitze' i maj tyá'tzaahuatye'

<sup>3</sup>Tyati'íjtá huatyényuunyij tyajta tu tyé'tyojtzi're' i Dios ja'mua jime', i vástaria'ra' a'íjci i tavástara' i Jesús ti ajta Círíistu' pu'éen. <sup>4</sup>Ji'nye a'yaa tu tyámua'reeri' siaj tyá'tzaahuatye' i Círíistu' jimi, siajta jéehua hua'xie've' i maj majta tyá'tzaahuatye' i Dios jimi, <sup>5</sup>a'yaa xu ricij seejcho'va'aj je'ej ti arí mua'ajmaj tyajamuaaaci'ij u tajapuá. A'íj xu mua'aj seríj huánamuajri' i nyúucarij ti ji'r'é'can jime' tzáahuatyí'ra'aj jin jaxaj i Dios <sup>6</sup>i ti'ij ajta ja'mua jimi huataséjre. A'íjna i nyúucarij a'yaa pu ti'ij i ciyéj ta'ajhuóse'sij, ajta je'en huatatáque'sij néijmi'que' iíyan i cháanacaj japua, a'yájna ti'ij huaríj ja'mua jimi siati'ij jáanamujri' i ti jin jéehua já'muaxie've' i Dios siajta jaamua'aj i ti ji'r'é'can jime' a'íjna jimi. <sup>7</sup>A'yaa pu tyajamuamuá'tyej a'íjna i Epafras, i ti tajamuán tyí'muarie' siajta a'yan tyá'mua'reej ti tyámua' naa tyí'huüre' i Círíistu' jimi. <sup>8</sup>A'íi pu arí taaté'exaa je'ej ti tyaja'muahuiire' ajta siaj jéehua juxie've' a'íjna jime' ti i júuricama'ra' i Dios já'muahuiire'.

<sup>9</sup>A'íj tu jin ityáj, tyati'íj jáamua'reeri', catu a'náj jaatapuá'citaca' tyaj jahuocaj i Dios jimi tyajta a'yan tyá'huavij ti a'íin jamuáamua'tyej je'ej ti tya'ajxié'vi'ra' siaj sij néijmi'i jo'itéej xá'ra'nyij ajta siaj sij jáamua'reej je'ej ti tyí'een i júuricama'ra'

jimi i Dios. <sup>10</sup> A'yaa xu tyámua' tyityetyúucha'ij xá'ju'un mati'ij i maj tyeítteristyamua'me'en pué'een i tavástara', siaj sij a'náj tina'aj tyámua' eenye' siajta a'yan huárinyij je'ej ti tya'ránajchi i tavástara', siajta a'yan eenye' ti'ij ciyéj ti ajhuóose'sij ajta je'en antatáque'esij, a'ájna jime' siaj jamua'tyej i Dios. <sup>11</sup> A'yaa tu tyá'huaviiij ti a'áin jamuaata'an néijmi'i i ca'nyíjra'aj i já'muatza'jta', siaj sij a'áj jitze arooca'nyáaj setyo'táviicue', siajta jacho'va'aj je'ej ti tyi'táj já'mua'uurej, siajta je'en a'ájna jin huatóotyamua've'en, <sup>12</sup> aj xu sij tyaatatyójtzi're'ej i tyaj jajvástara', i ti jamuaatá' siaj sij ja'ancuriá'an a'ájci i ti já'muaci'tyij a'ájna jo'tij a'náj tina'aj jó'nyeeri'ij je'ej ti a'áin tyihuo'tá'sij i jutyeítteristyamua'. <sup>13</sup> Dios pu tajapuá huatanyúj a'ájna jo'tij jo'tíca', ajta je'en tojo'ví'tij jo'tij tyejé'ijtaj a'ájna i yójra' i ti huápu'i'ij jaxie've', <sup>14</sup> a'áin pu tyu'nájchitaca' i tyaj jin tyé'cha'íica'aj i Dios jimi, a'ájci jime' i ti yójra' tajíme' huamuí', ti'ij tyitaatú'uunyí' i tyaj jin á'itzeeria'ca'aj.

### **Dios pu taataxié'vej a'ájci jime' ti i Círíistu' tajitzé ma'can huamuí'**

<sup>15</sup> Círíistu' pu a'áin pué'een i tyaj jin jáamua'reej je'ej ti een i Dios i tyaj quee jaséj, a'áin pu ajta a'áin pué'een i ti anaquéej séjria'ca'aj ti'ij quee xu maja'tyi'tíitacaj. <sup>16</sup> Dios pu i Círíistu' jimi néijmi'i tyú'taahuaca' ti'ij na'aj pua'máj tyí'sejre' u tajapuá ajta íyan i cháanacaj japua, néijmi'i i ti tyí'sejre' ajta i tiquee tyí'sejre', ajta i júuricamej i maj néijmi'que' tyí'ijta. Dios pu néijmi'caa huátaahuaca' mej mij a'áj jitze ajtyáma'cantaj. <sup>17</sup> Círíistu' pu'ríj séjria'ca'aj ti'ij quee xu majá'tyi'tíitaca'aj, ajta i ti tyí'sejre' a'áj pu jitze néijmi'i tya'róoca'nyej. <sup>18</sup> Ajta i Círíistu' pu a'áin pué'een i hua' mu'uj i maj jusi'rii i tyeyúuj tzajta' i ti ajta tyévira' pué'een. A'áin pu a'áin pué'een i ti jájcuaj imuáj séjria'ca'aj, i ti anaquéej huatájuuriaca', ti'ij a'áin pue'éenye'ej tá'ra'nyij i ti néijmi'i jin antyúumua'reej. <sup>19</sup> Ji'nye a'yaa pu tya'ránajchaca' i Dios ti i Círíistu' jimi séeria'aj tá'ra'nyij i ti jin néijmi'i putyí'uurej, <sup>20</sup> ajta i Círíistu' jitze ma'can Dios pu néijmi'caa tyámua' tyu'tyéje mej mij jitzán huatyá'itzeere'en, mati'ij mana'aj a'ájma i maj tajapuá já'sejre', majta i maj a'yan séejre' i cháanacaj japua, a'áin pu tyámua' huó'ruuj a'ájna jime' ti i Círíistu' i juxúure' eeráaxirej i cúruuj jitze.

<sup>21</sup> Anaquéej xu mua'aj a' imuáj já'ma'cantaca'aj i Dios jimi, siajta jájcha'íiria'ca'aj i jutzájta', a'ájna jime' siaj je'ej tyityetyúucha'íica'aj, <sup>22</sup> ajta ijíij i Círíistu' pu tyámua' jamuáaruuj ti'ij huamuí' i cúruuj jitze, ajta jaapuéjtzitariaca'. A'yaa pu'ij huaríj ti'ij jamuá'anvi'tin i Dios jimi, siajta je'en jimi huatyá'itzeere'en, tyámua' sia'éenya'aj, siajta quee che' tyi'táj jin á'itzeeria'aj, capu ajta a'táj ja'mua jitze tyi'táj jin tyi'puá'ritye'ej ta'mej. <sup>23</sup> A'yaa

pu tyúuxie've' siaj tyámua' naa tyá'tzaahuatye'ej, siajta quee yó'hua'nan i siaj jajchó've' a'yájna tí'ij tyá'xaj i nyúucaria'ra' i Dios i siaj jáanamujri'. A'íi pu a'íin pué'een i nyúucarij i maj meríj huó'ixaaj néijmi'que' i cháanacaj, i nyaj nyáaj Pablo a'íjna jin tyí'huiire' nyej nyij huo'ré'ixaatye'en.

### **Pablo pu huá'ixaatye' i nyúucaria'ra' i Dios a'íijma i maj séej chuéj japua já'ma'can**

<sup>24</sup>Ijíj nu nyetyamua've' a'íjna jime' i nyaj jin japuéjtzitarej ja'mua jime', j'i'nye a'yaa nu tyá'nejmi'tare' a'íjci i nyahue'ra' jitze i ti á'ítzeere' i Círíistu' ti jin jaapuéjtzitariaca', nyáaj nu a'yan rinyij a'íjna jitze i tye'ítyeristyamua'me'en jimi i maj tyévira' pué'een. <sup>25</sup>Dios pu a'íjna naata'íj nyej nyij huo'tyáhuire'en i maj jusi'rii i tye'yúuj tzajta', a'yaa pu tyinaa'íjcaj nyej nyij tyámua' jamuáa'uurej, nyajta huo'ré'ixaatye'en néijmi'que' i nyúucaria'ra', <sup>26</sup>a'íjna i nyúucarij, i ti ju'avaataca'aj i Dios jimi tí'ij na'aj ajca'huá' ímuáj ajta yatij je'ré'nyej, i ti íjíj arí huó'ixaaj jéjre'cite' a'íijma i maj tyá'tzaahuatye'. <sup>27</sup>A'íimaj pu i Dios huataséjratyej i ti naa huasé'rin jimi, i maj majta jin huatóotyamua've'sij, ajta a'íjna jin jamuaatyécha'íisij néijmi'caa jimi i maj quee Israel jitze ajtyáma'can. A'íjna i ti ju'avaataca'aj a'íi pu a'íin pué'een i Círíistu', i ti ja'mua jimi séejre', i siaj siajta jajchó've' i ti naa huasé'rin tí'ij ja'mua jimi séeria'aj tá'ra'nyij.

<sup>28</sup>Ityáj tu tyihua'ixaatye' i Círíistu' jitze ma'can, tyámua' tyetyihua'ixaatye'ej tyajta tyihua'mua'tyéé mej mij jáamua'reej tzaahuatyi'ra'aj jime' i ti a'yan tyi'ja'yájna, mej mij tyámua' éenye'ej huatóosejrata i Círíistu' jimi. <sup>29</sup>A'íj nu jin ca'nyíin tyí'muarie', nyajta a'yan tyí'nyo'se' néijmi'i jime' nyajta a'íjna jime' i Círíistu' ti jin néijmi'i putyí'uurej.

**2** <sup>1</sup>A'yaa nu tyá'xie've' siaj jáamua'reej nyaj jéehua ja'mua jime' nyo'se', nyajta hua' jime' i maj Laodicea ja'chej, nyajta hua' jime' i maj quee a'náj naaséj nye tyévira' jitze. <sup>2</sup>A'yaa nu ricij mej mij a'íimaj huatyóoca'nyej i jutzájta', mej mij majta tyámua' tyuu'ihuáamua'aj muá'ra'nyij, majta huóoxie've'en, tí'ij huo'ci'tiyij i maj jin yo'itéej muá'ra'nyij néijmi'i i ti ju'avaataca'aj i Dios jimi, i ti a'íin pué'een i Círíistu', <sup>3</sup>j'i'nye a'íj pu jimi néijmi'i tyí'sejre' i ti tyúuxie've' tyej tyij tyámua' metyityoomuámua're'ej tyajta néijmi'i tyojolitéej tá'ra'nyij. <sup>4</sup>A'yaa nu mua'ajmaj tyajá'mua'ixaatye', ta'aj ij quee a'tíj já'muacuanamuj a'íjna jime' i nyúucarij ti naa namujre'. <sup>5</sup>Tyij nyequee nyajta ja'mua jamuán ajo'tyéjvee, nyaj júuricamej pu ja'mua jimi séejre', a'íj nu jin nyetyamua've' nyaj jáamua'reej siaj tyámua' tyityaajú' a'íjna jime' siaj tyá'tzaahuatye' i Círíistu' jimi.

### I júuricamej ti jájcuaj i Ciríistu' jimi

<sup>6</sup>A'fj pu jin, mua'aj mu siaj seríj ja'antzaahuaj i Ciríistu' ti'ij juvástara', a'yaa pu tyúuxie've' siaj sij a'yan tyityetyúucha'ij mati'ij i maj Ciríistu' jimi séejre', <sup>7</sup>siaj sij a'yan eenye' ti'ij i ciyéj ti tyétye' imuáj jo'canáana'ajmee, a'fjna jitze xuuca'nyéej i siaj jitzán tyá'tzaahuatye', a'yájna mati'ij tyajamuaamuá'tyej, siajta a'náj tina'aj tyé'tyojtzi're'ej i Dios.

<sup>8</sup>Tyámua' xu'uj mua'aj, caxu tooa'care'en maj já'muacuanamuaj i nyúucarij jime' ti hue'tziz pué'een, ji'nye camu a'fíimaj Ciríistu' jimi jo'vá'ju', sulu a'fj mu huá'ixaatye' je'ej maj jujfíimua'aj tyéejtyoj, majta a'fjna jin tyí'mua'taj íyan ti tyí'ma'can cháanacaj japua.

<sup>9</sup>Ji'nye néijmi'i i Dios ti jimi tyajá'ma'can, a'fj pu jimi tyí'sejre' i Ciríistu', <sup>10</sup>ajta i Dios a'fj pu jitze néijmi'caa tyámua' já'mua'uurej, ji'nye i Ciríistu' pu antyúumua'reej a'fjma jimi i júuricamej i maj tyí'ijta, majta tyi'tfj jin tyityetyu'uj. <sup>11</sup>A'fj xu siajta mua'aj jimi seríj ja'rá'astee a'fjci jime' i maj ja'antyisí'chej i junavíj, i Dios ti jin a'yan jamuáaruuj siati'ij jimi ajtyáhuixij i Ciríistu', ajta tyajamuacáa'ri'ri' i siaj jin je'ej pua'aj rijcaa. <sup>12</sup>Siatí'ij huái'huaca', aj xu siajta jamuán avá'nami'huaca' i Ciríistu', siajta je'en jamuán huatájuuriaca', ji'nye mua'aj xu ja'antzaahuaj a'fjna i Dios ti néijmi'i jin putyí'uurej ti'ij jaatájuurityej. <sup>13</sup>Jájcuaj imuáj pu muí'chica'aj i ja'mua júuricamej a'fjna jime' i siaj jéehua je'ej pua'aj rijcaa, ajta ijíj i Dios pu'rfj i júuricamej jamuaatá' jamuán i Ciríistu', i ti ajta néijmi'i tyitaatúuunyi'ri' i tyaj jin ootyá'itzee. <sup>14</sup>Dios pu jo'úuj i ti á'yu'si'huaca'aj i tyaj jime' tyé'cha'iica'aj i ti ajta ca'nyéjrij jin tyí'ta'ijtya'ca'aj, a'yaa pu tye'entyipúa'riaca' ti'ij óotateehuaca' i cúruuj jitze, a'fjna jamuán i Ciríistu'. <sup>15</sup>Dios pu tyihuáa'ri'ri' i maj tyityatatyá'ca'aj i júuricamej maj je'ej pua'aj een, ajta i Ciríistu' jimi huo'tatyévi'raste jéjre'citze' ti'ij eetyájra hua'najáapuaj i ti huo'mué'tij.

### Maj tyú'huoonyij a'fjci i jútye' ti tyajá'ma'can

<sup>16</sup>A'fj pu jin, che' quee a'tfj je'ej tyaja'muaxajtaj je'ej siaj tyi'tfj tyí'cu', na'ríij je'ej siaj tyí'tyeye', nusu a'fjna xicáara' ti jitzán a'yaa tyúuxie've' siaj tyú'ye'estej ti'ijta tyo'tyé'iten i máxcirie', na'ríij ti'ijta tya'rá'astij a'náj maj juso'pii. <sup>17</sup>Néijmi'i a'fjna a'yaa pu mua'ajmaj tyaja'mua'uurej, ajta a'yan tyí'huire' tyej tyij jáamua'reej je'ej ti yatyojooméj, ajta i ti ji'ré'can jime' a'fí pu a'fín pué'een i Ciríistu'. <sup>18</sup>Caxu tooa'care'en mej mij je'ej pua'aj já'mua'uurej a'fíimaj i maj a'yan tyúusejrataj mati'ij i maj quee tyi'tfj jin tyityetyu'uj, majta a'fíimaj najchej i maj tyí'huire' u tajapuá, a'yaa mu majta tyí'xaj maj nu'uj tyi'tfj tyí'sej, a'fí mu mij jéehua jin óotzaahuatye' i tiquee tyi'tfj huire'. <sup>19</sup>Camu a'fíimaj a'fj jitze ajtyáma'can i Ciríistu', i ti

néijmi'i ve'sij i tyaj jatyáhue'ra' ajta tyá'cue'tyej, tyej tyij néijmi'i jitzán séjre'ej tí'ij i Dios tyá'xie've'. <sup>20</sup>Xu'ríj mua'aj huácuij i Ciriístu' jamuán a'íj mu jin quee che' tyajá'mua'íjtye' i maj tyí'ijta íyan i cháanacaj japua. ¿Ji'nye een jime' siaj sij a'yan cha'taj siana'aj ricij mati'ij a'íimaj i maj a'yan ma'can i cháanacaj japua? A'yaa mu tyajá'mua'íjtye' <sup>21</sup>tyi'tíj jime' tí'ij: “Capáj jamuarie'ej, capáj jacua'caj, capáj ji'tyáa'aj mua' muáca' jitze”. <sup>22</sup>Néijmi'i i nyúucarij ti a'yan tyí'ijta a'yaa pu ajta tye'entyipua'rij, ji'nye tye'ítyee mu' a'yan tyí'ijta majta a'yan tyihuá'mua'tyej. <sup>23</sup>A'yaa pu tyi'ja'yájna ti a'yan huasé'rin tí'ij i ti xá'pui', ji'nye tzáahuatyí'ra'aj mu jin a'yan ricij majta quee óotzaahuatye', a'yaa mu majta ca'nyíin jin ricij, ma' ajta quee capu tyi'tíj huiire', sulu a'yaa pu'uj tyí'huire' mej mij jujíimua'aj a'íjna jin ahuóotzaahuatye'en.

**3** <sup>1</sup>A'yaa pu'ij, mua'aj mu siaj seríj huatájuuriaca' jamuán i Ciriístu', siata'aj a'íj tyú'huoonyij i tajapua' ti tyejé'sejre', jo'tij i Ciriístu' muáca'ta' ja'ajcájcay i Dios. <sup>2</sup>Siata'aj a'íj jitze tyú'mua'tyij tajapua' ti tyejé'sejre', caxu a'íj jitze tyí'mua'ajcaj íyan ti tyí'ma'can i cháanacaj japua. <sup>3</sup>Ji'nye mua'aj xu'ríj huácuij i Ciriístu' jamuán, ajta i Dios pu jamuaatás'ij siaj sij i Ciriístu' jamuán ja'séeria'aj xá'ra'nyij. <sup>4</sup>Ciriístu' pu a'íin pué'een i já'muajuuricamej. Tí'ij a'íin yan huataséjre'en, mua'aj xu siajta jamuán huataséjre'ej tyámua' sia'énya'aj.

### I júuricamej i ti arí mí'ma'can ajta i ti jájcuaj i Ciriístu' jimi

<sup>5</sup>Siata'aj jaatapuá'citaj néijmi'i i ti je'ej pua'aj een i ti ja'mua jitze séejre', che' quee a'tíj juxana'ciria'aj, caxu tooa'care'en ti tyajamuaata'íjtye'ej i ti ja'mua tzajta' eerányinyii, caxu che' jahuocaj i ti ja'mua jitze juxie've' ti ajta je'ej pua'aj een, siajta quee tyí'nyacua'tzaj, ji'nye i Dios jimi a'yaa pu een tí'ij i a'tíj ti jana'michej i tiquee Dios pué'een. <sup>6</sup>A'íj mu jime' néijmi'i jin jajpuéetzij muá'ju'un i maj quee já'astijre' i Dios, <sup>7</sup>siajta mua'aj a'yaa xu anaquéej éenye'ej tyá'astyajca'aj siajta néijmi'i jin a'yan rijcaa. <sup>8</sup>Ajta íjij, a'yaa pu tyúuxie've' siaj néijmi'i tyu'tapuá'citaj, caxu nyinyu'cacuj, caxu a'yan rijcaj je'ej ti ja'mua jitze tyúuxie've', caxu tyi'tíj je'ej pua'aj uuriaj, caxu je'ej pua'aj tyihuá'xajtaj i tye'ítyee nusu siaj mua'aj je'ej pua'aj tyí'xajtaj. <sup>9</sup>Caxu jucuanamua'j séej jamuán siajta séej, ji'nye xu'ríj tyu'tapuá'citaca' i siaj jin je'ej pua'aj aami' tyityetyúucha'íica'aj, siajta i siaj jin je'ej pua'aj rijcaa, <sup>10</sup>siajta seríj jájcuaj jin tyu'tyóochejtyej, Dios pu jamuaajájcua'ej i ja'mua tzajta', siaj sij a'yan éenye'ej xá'ra'nyij tí'ij a'íjna i ti jamuáataahuaca', siaj sij tyámua' naa tyáamua'tyij. <sup>11</sup>Capu che' juxie've' tipua'aj síj Griego pué'eenye' nusu Israel jitze ajtyáma'cantaj, tipua'aj aróo'astej a'íjna jime' ti ja'antysisíjchaca' i junavíj nusu quee, tipua'aj séej i chuéj japua

ja'chajca, nusu séej jimi tyí'muarie'ej, na'ríij juxáahuaj jo'cha'can, sulu a'fí pu i Círíistu' a'fín pu'éen i ti juxie've' ti ajta néijmi'caa jimi huatyá'itzeere'en i jutyéityeristyamua'.

<sup>12</sup>Dios pu mua'ajmaj já'muaxie've' ajta a'fín jamua'antyíhuo siaj sij jitzán ajtyáma'cantaj xá'ra'nyij. Siata'aj hua'cu'vej i juxa'aj tyeétyee, siata'aj tyámua' tyihuó'cha'fín, caxu óotzaahuatyee'ej, sulu siata'aj tyámua' eenye' siajta tyo'táviicue' tipua'aj tyi'tíj je'ej já'mua'uurej.

<sup>13</sup>Siata'aj tyo'táviicue' séej jamuán siajta séej, siajta tyu'túu'uunyí' tipua'aj síij jájriaaxiejtye'en i juxa'aj tyéviij. A'yájna tí'ij i tavástara' tyajamuaatú'uunyí'ri', a'yaa xu sij siajta mua'aj tyu'túu'uunyí' séej siajta séej. <sup>14</sup>Ajta a'yájna siata'aj a'fíjna ucóochejtye'en i siaj jin huóoxie've'en, jí'nye a'fí pu a'fín pu'éen i ti naa een. <sup>15</sup>Ajta i Círíistu' ti jin tyámua' jamuáaruuj che' a'fín ú'sejria'aj i ja'mua tzajta', jí'nye a'fí pu jin jamuaatajé i Dios siaj sij séej tyévira' siana'aj pu'éeenye'. Siajta tyaatatyójtzi're'en i Dios.

<sup>16</sup>Che' i nyúucaria'ra' i Círíistu' a'náj tina'aj ja'mua tzajta' séjre'ej néijmi'i jime' i ti jéehua tyí'huiire'. Siata'aj huatóohuiire'en séej jamuán siajta séej, siaj sij jáamua'reej je'ej siaj tyihuó'ixaatyee'en néijmi'caa amitéeria'can jime'. Siata'aj chuúicarij jime' tyaatatyójtzi're'en i Dios, néijmi'i xu i ju júuricamej jin tyu'táchuuiicaj. <sup>17</sup>Ajta néijmi'i je'ej siaj tyi'tíj uurej nusu je'ej siaj tyí'xaj, a'yaa xu huárinyij néijmi'i jime' i nyúucaritze' i tavástara' a'fíjna i Jesús, siajta tyaatatyójtzi're'en i Dios i tyaj jajvástara' a'fíjna jitze ma'can i Círíistu'.

### **Je'ej maj tyityetyúucha'íij i maj tyá'tzaahuatyee' a'fíjma jimi i tyeétyee**

<sup>18</sup>Mua'aj mu siaj huiichej, siahua'rá'astijre' i ju'cínastyamua', jí'nye a'yaa pu tyúuxie've' maj a'yan huárinyij i maj tyá'tzaahuatyee' i tavástara' jimi. <sup>19</sup>Siajta mua'aj mu siaj nyejnye'i'chej, siata'aj huó'xié've'en i ju'írástyamua', caxu je'ej pua'aj tyihuá'jeevej.

<sup>20</sup>Siajta mu siaj hua'yojmua' pu'éen, siahuá'astyaj i já'muahuasimua', jí'nye a'yaa pu tya'ráanajchi i tavástara'. <sup>21</sup>Siajta mua'aj, mu siaj hua' huásimua' pu'éen, caxu hua'jaaxiejtye'ej i juyójmua', mej mij quee je'ej tyóomuajtyej.

<sup>22</sup>Siajta mua'aj mu siaj tyí'íjtyi're', siata'aj néijmi'i jin hua'rá'astijre'en a'fíjma i maj tyajá'mua'íjtye' fíyan i cháanacaj japua, caxu a'áa siana'aj mati'íjta a'fíimaj já'muasejra, siaj sij tyámua' hua' jimi eenye', sulu a'yaa xu tzáahuatyí'ra'aj jin huárinyij, a'fíjna jime' siaj tzáahuatyí'ra'aj jimi tyí'cha'íj i tavástara'. <sup>23</sup>Néijmi'i je'ej siaj tyi'tíj jin ricíj, a'yaa xu huárinyij tzáahuatyí'ra'aj jime', a'yájna siati'íj tyá'huiire' a'fíjci i tavástara', jí'nye caxu a'fíjma huiire' i tyétyacaa. <sup>24</sup>Siajta a'yan tyá'mua'reej ti i tavástara' jamuaatá'sij je'ej ti tyi'tíj tyajá'muaci'tyij a'fíjci siaj jaamué'tíj. Jí'nye mua'aj xu jahuiire' i Círíistu'

i ti ja'muavástará' pué'een. <sup>25</sup>Ajta a'íjna i ti je'ej pua'aj ricij, a'yaa pu cha'taj je'ej pua'aj tyá'ci'tyij, ji'nye juxa'aj xu'uj een i Dios jimi.

**4** <sup>1</sup>Siajta mua'aj mu siaj tyihuá'ijtye', siata'aj tyámua' tyihuó'cha'íin i maj ja'mua jimi tyí'huiire' siajta a'yan tyihuo'tá'an je'ej ti tyi'tyéevijtij. Xo'támua'reej ti i tavástará' tajapuá ti já'sejre' ajta mua'ajmaj tyajá'mua'ijtye'.

<sup>2</sup>Siata'aj a'náj tina'aj jahuoocaj i Dios jimi, tyámua' xu'uj tyitya'tanyéjnye'rij siajta tyé'tyojtzire'ej i Dios. <sup>3</sup>Siajta a'yan tyá'huoocaj i Dios jimi ityájma jime', ta'aj ij i tavástará' taatáhuuiire'en tyej tyij huó'ixaatyen i nyúucaria'ra' tyajta a'íjna i ti ju' avaa i Dios jimi, ji'nye a'íj nu jin eetyánami'. <sup>4</sup>Siáhuoocaj i Dios jimi nyéetzij jime' nyej nyij amitéeria'can jin tyihuó'ixaatyen, je'ej ti nyéetzij tyinaac'íj.



© 1996 David C. Cook

#### Colosenses 4:2-4

<sup>5</sup>Tyámua' xu tyityetyúucha'íij a'íjma jimi i maj quee tyá'tzaahuatyé', a'náj tina'aj xu xá'pui' rijcaj. <sup>6</sup>Siajta a'náj tina'aj tyámua' tyí'xajtaj siajta naa huojomua'raj, a'yaa pu ajta tyúuxie've' siaj tyámua' tyihuá'ixaatyé'ej séej siajta séej.

#### Hua'tyojtye' i ti jin ja'antypuá'ritye'ej

<sup>7</sup>Ajta a'íjna i ta'ihuáara' Tíquico i tyaj jéehua jaxie've', a'íi pu nyaj jamuán tyámua' naa tyí'huiire' i tavástará' jimi, a'íi pu'ij ajta néijmi'i jamuaaté'eexaatyé'sij je'ej ti tyí'nyahuuiire'. <sup>8</sup>A'íj nu jin ja'mua

jimi jaata'ítij, ta'aj ij jamuaaté'exaatye'en je'ej ti tyí'tahuiire' ajta je'en ca'nyíjra'aj jamuaata'an. <sup>9</sup>Onésimo pu ajta jamuán jo'mej, i tyaj jéehua jaxie've' a'íjna jime' ti tyámua' naa tyí'muarie', ti ajta ja'mua jitze ajtyáma'can, a'íi mu néijmi'i jamuaaté'eexaatye'sij je'ej ti tyí'tíj tyí'tahuiire' iieye'ej.

<sup>10</sup>Ajta a'íjna i Aristarco ti ajta nyaj jamuán eetyánami', a'íi pu ajta já'muatyojtye', jamuán a'íjna i Marcos, i ti nyoosájra' pué'een a'íjci i Bernabé. Xu'ríj mua'aj jamua'reej je'ej sij huárinyij a'íjci jimi i Marcos, tipua'aj jamojo'vá'muaarej tyámua' xu tyeetyéjeevej. <sup>11</sup>A'íi pu ajta yajá'muatyojtye' i Jesús, i maj a'yan jatamuá'muaj tíjin Justo. A'íimaj mu a'íin pué'een i maj Israel jitze maj ajtyáma'can, i maj nyaj jamuán tyí'muarie', tyej tyij huo'té'exaatye'en i tyeétyee je'ej ti tyí'een jo'tij i Dios tyejé'íjtaj, a'íi mu jéehua tyámua' tyinaatyáhuui. <sup>12</sup>Ajta pu i Epafras yajá'muatyojtye', a'íjna i ti tyí'huiire' i Ciriístu' jimi, ti ajta ja'mua jitze ajtyáma'can, a'náj tina'aj pu jahuoo i Dios jimi ja'mua jime', sij sij mua'aj tyámua' eenye', siajta a'yan huárinyij je'ej ti tyá'xie've' i Dios. <sup>13</sup>Nyáaj nu tyámua' tyá'mua'reej sij jéehua jitzán juxie've' a'íjci i Epafras, ajta a'íijma jimi i maj Laodicea já'ma'can, ajta a'íijma jime' i maj Hierápolis ja'chej. <sup>14</sup>A'íjna Lucas i ti tyí'hua'tacaa a'íi pu ajta yajá'muatyojtye', ajta a'íjna i Demas.

<sup>15</sup>Sياهو'tatyójtje' a'íimaj i ta'ihuáamua' i maj Laodicea jo'cháatimee. Siajta jaatatyójtje'en a'íjci i Ninfa siajta néijmi'caa i maj jusi'rii jo'tij ja'chej a'íjna i Ninfa. <sup>16</sup>Siatí'ij mua'aj jo'jíive'en a'íjci i yu'xarij, siata'aj jaata'ítjej a'ájna a Laodicea, mata'aj a'íimaj majta jo'jíjve'en, a'yaa xu siajta mua'aj tyo'jíjve'en a'íjci i yu'xarij Laodicea ti já'ma'can. <sup>17</sup>Siajta a'yan tyaaté'exaatye'en a'íjci i Arquipo tíjin: “Tyámua' paj huárinyij a'íjci jime' je'ej maj tyimuaata'íj a'íjna jitze ma'can i tavástara'.”

<sup>18</sup>Nyáaj Pablo, nyáaj nu tyajamuaata'ítiyi'ri' a'íjna i nyaj jo'yú'xaca' nyamuáca' jime'. Xo'támua'reej nyaj eetyánami'. Che' i Dios jéehua ja maaatyáhuui're'en.